

續脩南鄭縣志

第六卷

紀事

事畧



續修南鄭縣志卷六

紀事志

事略

秦事見沿革錄自漢始凡事關廵守征伐封疆人民已錄舊志者略爲增損前清則據其國錄兼徵諸往哲紀略與夫耆舊述聞近及耳目所接以爲撫斯土者考鏡得失之資焉

漢

項王立沛公爲漢王王巴蜀漢中都南鄭而三分關中王秦降

將以距塞漢王

史記項羽本紀

漢王怒欲謀攻項羽何諫之曰雖王漢

中之惡不猶愈於死乎漢王曰何爲乃死也何曰今眾弗如百

戰百敗不死何爲周書曰天子不取反受其咎語曰天漢其稱
甚美臣願大王漢中養其民以致賢人收用巴蜀還定三秦
天下可圖也漢王曰善乃遂就國

前漢蕭何傳

漢王之國良送至褒中遣良歸韓良因說漢王曰王何不燒絕
所過棧道示天下無還心以固項王意乃使良還行燒絕棧道

史記留侯世家

漢王旣至南鄭諸將及士卒皆謳歌思東歸多道亡還者韓信
爲治粟都尉亦亡去蕭何追還之因薦於漢王曰必欲爭天下
非信無可與計事者於是漢王齋戒設壇場拜信爲大將軍問
以計策信因陳羽可圖三秦易并之計漢王大悅遂聽信策部

署諸將留蕭何收巴蜀租給軍糧食漢王引兵從故道出故道秦縣

在今略陽縣境郡志淮陰出定三秦由還定三秦通鑑

更始卽位嘉遷大將軍擊延岑於冠軍降之更始旣都長安以

嘉爲漢中王扶威大將軍持節就國都於南鄭眾數十萬後漢書順

陽懷侯
嘉傳

更始立豪傑各起其縣以應漢南陽人宗成自稱虎牙將軍入

略漢中後漢公孫述傳漢中亭長垣副聚眾降成自稱輔漢將軍東觀記

後漢

建武二年延岑復反圍南鄭嘉敗走岑遂定漢中自稱武安王進兵

武都爲更始柱功侯李寶所破岑走天水公孫述遣將侯丹取

南鄭嘉收散卒從武都南擊侯丹復與延岑連戰岑引兵入散

關至陳倉嘉追擊破之

順陽懷侯嘉傳

述積糧漢中築宮南鄭又造十層赤樓帛蘭船多刻天下牧守

印章使將軍李育程烏將數萬眾出陳倉與呂鮪徇三輔三年

征西將軍馮異擊鮪育於陳倉大敗之鮪育奔漢中

公孫述傳

六年夏四月遣蓋延等七將軍從隴道伐公孫述

後漢光武帝紀

李通

爲前將軍六年領破姦將軍侯進捕虜將軍王霸等擊漢中賊

謂延岑

公孫遣兵赴救通等與戰於西城破之

後漢李通傳

按通擊漢中而戰西

城可爲前漢郡治西城之證

安帝永初二年先零羌滇零入益州殺漢中太守董炳

後漢安帝紀

永初四年滇零寇襲中漢中太守鄭厓移屯褒中羌復來攻厓欲擊之主簿段崇諫以爲虜乘勝銳不可當宜堅守待之厓不從出戰大敗死者三千餘人段崇及門下史王宗原展以身扞刃與厓俱死

後漢書西羌傳

元初元年號多與當煎勒姐大豪共脅諸種分兵抄掠武都漢中巴郡板楯蠻將兵救之漢中五官掾程信率壯士與蠻共擊破之

西羌傳

劉焉領益州牧陰圖異計沛人張魯母有姿色兼挾鬼道往來焉家遂以魯爲督義司馬與別部司馬張修將兵掩殺漢中太守蘇固斷絕斜谷殺使者魯旣得漢中遂復殺修而并其眾焉

後漢書

劉焉傳

劉焉死子璋立以魯不順盡殺魯母家室魯遂據漢中以鬼道教民自號師君其來學道者初皆名鬼卒受本道已信號祭酒各領部眾大都與黃巾相似諸祭酒皆作義舍如今之亭傳又置義米肉懸於義舍行道者量腹取足若過多鬼道輒病之犯法三原然後乃行刑不置長吏皆以祭酒爲治民夷便樂之雄據巴蜀垂三十年漢末力不能征遂就寵魯爲鎮民中郎將領漢寧太守通貢獻而已民有地中得玉印者羣下欲尊魯爲漢寧王魯功曹巴西閭圃諫曰漢川之民戶出十萬財富土沃四面險固上匡天子則爲桓文次及竇融不失富貴今承制署置

勢足斬斷不煩於王願且不稱勿為禍先魯從之

魏志張魯傳

建安二十年曹操西征張魯

通鑑

公自陳倉以出散關屠河池

今甘

肅秦州徽縣

氏秋七月至陽平

府志古陽平關即白馬城今沔縣之走馬嶺即古白馬山山在縣西一里

漢時舉降其上

張魯使弟衛與將楊昂等據陽平關橫山築城十餘里

公乃密遣解慄高祚等乘險夜襲大破之衛等夜遁魯潰奔巴

中公軍入南鄭盡得魯府庫珍寶

張魯將入巴中左右欲燒寶貨倉庫魯曰本欲歸命國家

而意未達今之走避鋒銳非有惡意寶貨倉庫國家之有遂封藏而去太祖入南鄭甚嘉之

十一月魯自巴

中將其餘眾降封魯及五子皆為列侯

張魯傳封

十二月公自

南鄭還留夏侯淵屯漢中

魏志武帝紀

建安二十二年法正說劉備曰曹操一舉而降張魯定漢中不

因此勢以圖巴蜀而留夏侯淵張郃屯守身遽北還此非其智
不逮而力不足也必將內有憂偏故耳今策淵郃才略不勝國
之將帥舉眾往討必可克之克之日廣農積穀觀釁伺隙上可
以傾覆寇敵尊獎王室中可以蠶食雍涼廣拓境土下可以固
守要害爲持久之計此蓋天以與我時不可失也備乃進兵漢

中通鑑

建安二十三年先主遣將軍吳蘭雷同等入武都皆爲操軍所
沒先主次于陽平關與淵等相拒

蜀志先主傳

攻之不能克急書發

兵諸葛亮以問楊洪洪曰漢中益州咽喉存亡之機會若無漢

中則無蜀矣此家門之禍也發兵何疑

通鑑

二十四年先主自陽平南渡沔水緣山稍前於定軍山勢作營
淵將兵來爭其地先主命黃忠乘高鼓譟攻之大破淵軍斬淵
及趙雲等曹公自長安舉眾南征先主遙策之曰曹公雖來無
能爲也我必有漢川矣及曹公至先主斂眾拒險終不交鋒

蜀志

先主傳

操與備相持積月魏軍士多亡夏五月操悉引出漢中諸

軍還長安劉備遂有漢中

通鑑

秋羣下上先主爲漢中王遂於沔

陽設壇場陳兵列眾羣臣陪位讀奏訖御王冠於先主先主拔

魏延爲都督鎮漢中

先主傳

三國

建興五年

後主

魏明帝太和元年

丞相亮出屯漢中營沔北陽平石馬

蜀志

後主趙雲隨駐漢中蜀志趙雲傳遣魏延諸將並兵東下亮惟留萬

人守城魏司馬懿率二十萬眾拒亮而與延軍錯道徑至前當

亮六十里亮意氣自若勒軍中皆臥旗息鼓不得妄出菴幔又

令大開城門掃地却灑懿嘗謂亮持重而猥見勢弱疑其有伏

兵於是引軍北趣山郭冲三事

建興六年春魏太和二年亮揚聲由斜谷取郿使趙雲鄧芝為疑軍

據箕谷一統志云箕谷在魏城縣北十五里魏曹真舉眾拒之亮攻祁山在今甘肅西和

縣西南安鞏昌府隴西縣東北天水甘肅秦州西南安定甘肅涇州北三郡叛魏應亮

關中響震魏明帝西鎮長安命張郃拒亮亮使馬謖督諸軍在

前與郃戰於街亭在甘肅秦安縣謖違亮節度舉動失宜大為郃所破

亮拔西縣

在秦州西南一百二十里

千餘家還於漢中

蜀志諸葛亮傳武侯屯軍沔北伐魏

按

有二道出祁山則自屯而西取道褒谷轉循桅杆石梁一帶入斜趨郿斜谷則自屯而東北取道褒谷轉循桅杆石梁一帶入斜趨郿勢已逼近長安所以築漢城於南鄭之西沔縣以備西出屯兵築樂城於南鄭之東城固以備東北出屯兵非僅為犄角計也

建興八年

魏太和四年

秋魏使司馬懿由西城張郃由子午曹真由

斜谷欲攻漢中丞相亮待之於城固赤坂

在洋縣東二十里時洋縣為城固地

會

大雨道絕曹真等皆還

後主傳

建興十二年

魏青龍二年

亮悉大眾由斜谷出以流馬運據武功五

丈原與司馬懿對於渭南亮每患糧不繼使已志不伸是以分

兵屯田為久住之基

諸葛亮傳

魏詔懿但堅壁拒守以挫其鋒

魏志明帝

紀秋八月亮卒於郭氏塢

漢晉春秋

以左將軍吳壹為車騎將軍假

節督漢中後主傳

延熙元年冬十一月詔蔣琬總帥諸軍屯漢中蜀志蔣琬傳

六年冬十月琬還住涪拜平前監軍鎮北大將軍統漢中蜀志王平

傳

七年魏邵陵厲公正始五年劉敏與鎮北大將軍王平俱鎮漢中曹爽襲

蜀時議者或謂但可守城不出拒敵必自引退敏以爲男女布

野農穀栖畝若聽敵入則大事去矣遂率所領與平據興勢在洋

縣北張旗幟彌亘百餘里會大將軍費禕從成都至魏軍卽退蔣琬

附傳

十一年夏五月大將軍費禕屯漢中後主傳

景耀元年維復拜大將軍初先主留魏延鎮漢中皆實兵諸圍以禦外敵敵若來攻使不得入及興勢之役王平捍拒曹爽皆承此制維建議以爲錯守諸圍雖合周易重門之義然適可禦敵不獲大利不若使聞敵至諸圍皆歛兵聚穀退就漢樂二城使敵不得入平日重關鎮守以捍之有事之日令遊軍並進以伺其虛敵攻關不克野無散穀千里懸糧自然疲乏引去之日然後諸城並出與遊軍并力搏之此殄敵之術也

蜀志姜維傳

炎興元年

魏陳留王景元四年

鍾會統十餘萬眾分從斜谷駱谷入蜀令

諸圍皆不得戰退還漢樂二城會使護軍胡烈等行前攻破關城得藏庫積穀姜維欲赴關城未到聞其已破退劍閣

魏志鍾會傳

胡烈乘虛襲城漢中守將傅僉格鬪而死魏人義之

漢晉春秋

晉

元康中氏齊萬年反關西擾亂頻歲大饑百姓流移就穀相與入漢川者數萬家既至漢中上書求寄食巴蜀朝議不許遣侍御史李苾持節慰勞且監察之不令人劍閣苾至漢中受流人賂反爲表曰流民十萬餘口非漢中一郡所能賑贍蜀有倉儲宜令就食朝廷從之由是散在益梁不可禁止

晉書後蜀載記按武帝泰始

二年分益州立梁州治漢中南鄭故梁州事皆書

永興元年李雄僭稱成都王遣李國李雲等率眾二萬寇漢中梁州刺史張殷奔於長安國等陷南鄭盡徙漢中民於蜀漢中

人勾方白落帥吏民還守南鄭

後蜀載記

永嘉五年春二月梁州刺史張光復漢中先是秦州人鄧定等二千餘家饑餓流入漢中保於城固漸爲抄盜刺史張殷遣巴西太守張燕討之定饋燕金銀燕喜爲之緩師定密結李雄雄遣眾救定燕退定遂進逼漢中太守杜正冲東奔魏興興安縣殷亦棄官而遁光不得赴州止於魏興乃結諸郡守共謀進取燕倡言曰漢中荒敗迫近大賊克復之事當俟英雄正冲曰張燕受賊金銀不時進討阻兵緩寇致喪漢中實燕之罪也光於是發怒呵燕令出斬之綏撫荒殘百姓悅服光於是却鎮漢中

晉書張光傳

愍帝建興元年張光遷梁州刺史時逆賊王如

永嘉四年掠漢沔

餘黨

李暹楊武等自襄陽將三千餘家入漢中光遣將軍晉邈率眾於黃金拒之邈受暹重賂勸光納暹光從邈言使居城固旣而邈以暹多珍貨又欲奪之復言於光曰暹之徒屬不事佃農但營器仗意在難測可掩而取之光又信焉遣邈討暹不克光乞師於氏王楊茂搜茂搜遣子難敵助之難敵求貨於光光不與楊武乃厚賂難敵難敵聲言助光內與暹通光弗之知也遣息援率眾助邈暹與難敵夾攻邈等援爲流矢所中而死賊遂大勝光嬰城固守自夏迄冬憤激成疾佐吏及百姓咸勸光退據魏興光按劍曰吾受國厚恩不能翦除寇賊今得自死便如登